



## Universitätsbibliothek Paderborn

**R. P. Richardi Arsdekin Soc. Iesu S. Theol. Professoris  
Theologia Tripartita Sive Resolutiones Polemicæ,  
Speculativæ, Practicæ, Controversiarum, & Quæstionum,  
etiam recentissimarum, quæ in Schola, & ...**

Missionarijs, & alijs animarum Curatoribus, & Theol. studiosis solerter  
accommodatæ ...

De Controversijs Polemicis, & Scholasticis, etiam modernis

**Archdekin, Richard**

**Antverpiæ, 1682**

Articulus 2. Exhibentur insignes Antilogiæ quibus Lutherus & alij in sua  
doctrina sibi contradicunt.

**urn:nbn:de:hbz:466:1-40853**

populo assidue prælegi? Quid magis notum quam illam in sacris Concionibus proponi, exponi, inculcari? Quid magis publicum & solemne quam in celeberrimis Academiis Lectionem Scripturæ sacræ primo semper loco haberi, & in ipsius Tridentini Decretis *Sess. 5. de Reform. cap. 1.* eandem Lectionem ut imprimis honorificam, & omnium maximè necessariam summo ubique studio proponi, præcipi, mandari? Quod vero Ecclesia Romana Editiones spuriæ, corruptas, & ab hæreticis mille modis truncatas ac vitiatis populo prohibeat, & Fidelium manibus subductas velit, hoc ipsum probat summam Verbi Dei apud Catholicos æstimationem, quod nempe divinum hunc thesaurum purum sibi, & ab hæreticorum corruptelis immunem tanto semper studio conservet. Sed & hoc ipsum est quod illos Novatores adurit, quod in puros ac primævos Scripturarum nostrarum Fontes impuras corruptarum Editionum Lacunas influere non permittamus.

## ARTICULUS SECUNDUS.

Exhibitentur ex multis quadam insignes Antilogia, quibus, ipse Lutherus, & alii in sua doctrina sibi contradicunt.

## DE SACRAMENTIS.

*Anilogia Prima.*  
S Eptem ponenda sunt Sacraenta. Ita scribit Lutherus, de potestate Papa.

Tantum

Tantum tria sunt Sacra menta pro tempore  
ponenda, Ita *Lutherus*, de *Captivitate Babylonica*.

2.

Duo tantum sunt Sacra menta, *Lutherus* ad  
*Waldenses*.

Si juxta Scripturas loqui velim est tantum  
unum Sacra mentum. *Luth. de Captiv. Babyl.*

3.

In puerō post Baptismum negare remanens  
peccatum, est Paulum & Christum simul con-  
culcare. *Luth. in Assertionibus*.

Baptismus omnia peccata remittit. *Luth. in  
Captiv. Babyl. de Baptismo*.

4.

Confirmatio Sacra mentum est. *Luth. de po-  
testate Pape*.

Mirum quid illis in mentem venerit quod Sa-  
cra mentum Confirmationis fecerunt ex imposi-  
tione manuum. *Luth. de Captiv. Babyl.*

5.

In Sacra mento Altaris non est panis & vi-  
num, sed species panis & vini. *Luth. in Sermone  
de Euchar.*

Thomistica doctrina est transubstantiari pa-  
nem & vinum; liberum est, & citra salutis pe-  
riculum imaginari, opinari, & credere remanere  
aut non remanere substantiam panis & vini.  
*Luth. de Captiv. Babyl.*

Impius & Blasphemus est, si quis dicat panem  
transubstantiari, Catholicus autem & Pius est  
qui contrarium docuerit. *Luth. en lib. contra Regem  
Angliae*.

Sicut panis & vinum transubstantiatur, ita &  
nos in Spirituale Corpus transmutamur. *Luth. in  
Serm. de Euchar.*

6.

Impiissimus usus est in Ecclesia persuaderi Missam esse opus bonum & Sacrificium. *Luth. de Captiv. Babyl.*

Missas pro vivis & defunctis valere tota approbat Ecclesia. *Luth. de decem precept.*

7.

Sacerdotes à subditis honorandi sunt. *Luth. in Decalogum. Contra.*

Nullum est in novo testamento Sacerdotium, nisi quod est humanis mendaciis à sathanā creatum. *Luth. de Captiv. Babylonica.*

8.

Confessio auricularis in Ecclesia, et si ex Scriptura probari non possit, utilis tamen est, imo necessaria. *Luth. de Capt. Babyl.*

Confessio auricularis est fictio hominum. *Luth. de 10. leprosis.*

9.

Matrimonium non solum sine ulla Scripturā Sacramentum censetur, verū eisdem traditionibus quibus Sacramentum esse jactatur merum ludibrium factum est. *Luth. de Capt. Babyl.*

Matrimonium in Ecclesia Dei Sacramentum est. *Luth. de potestate Papæ.*

10.

Ordo in Ecclesia Dei Sacramentum est. *Luth. de pot. Papæ.*

Sacramentum Ordinis Ecclesia ignorat, inventumque est ab Ecclesia Papæ. *Luth. de Capt. Babyl.*

11.

Extrema unctione Sacramentum est. *Luth. de potest. Papæ.*

Si usquam antea deliratum est, in extrema unctione nunc præcipue deliratum est. *Luth. de Captiv. Babyl.* De

Si potestas Papæ non esset à Deo, nec jure di-  
vino , tam diu subsistere non potuisset. *Luth. de*  
*potest. Papæ.*

Certus sum Papatum regnum esse Babylonis.  
*Luth. in Captiv. Babyl.*

Quod saepe repetit ibidem , & in lib. adversarii  
Regem Angliae.

De Fide sola.

Sola fides Christi necessaria , quâ justi simus,  
cætera omnia liberrima , neque præcepta amplius,  
neque prohibita. *Luth. ad Galat. cap. 2.*

Vita Christiana est credere & diligere, at di-  
ligere nihil est nisi benefacere. *Luth. de 10.*  
*leprosis.*

De Ecclesia.

Ecclesia errare non potest. *Luth. de 10. præc.*

Ludificatio Sathanæ est affirmare quod Eccle-  
sia si quando erret aut peccet , ideo non sit Ec-  
clesia.

De Traditione.

Neque Papa , neque Episcopus , neque *ullus*  
*Hominum* habet jus unius syllabæ constituendæ  
super Christianum hominem. *Luth. in Capt. Babyl.*

Ideo positi sunt Canones Patrum ut dirigant  
populum. *Luth. in decem. præc. cap. 5.*

De invocatione Sanctorum.

Rectè conclusi , meritum Christi thesaurum  
esse Ecclesiae , & Sanctorum meritis juvari cer-  
tum est. *Luth. conclus. 10. contra Eckium.*

Pro meritis S. Petri ne unum quidem obulum  
darem ut me adjuvarent , quia scipsum juvare  
non potest. *Lut. in art. 4.q. 6.*

De Indulgentiis.

Contra veritatem Apostolicarum Veniarum  
qui loquitur , sit ille anathema & maledictus.  
*Luth. in Refol.*

Indul-

Indulgentiæ nihil sunt , nisi Romani Pontifi-  
cis imposturæ. *Luth. de Capt. Babyl.*

*De Purgatorio.*

Tutius est totum Purgatorium negare, quam  
Gregorio in Dialogis credere. *Luth. abrog. Miss.*

Non solum credo , sed etiam certissimè scio  
Purgatorium esse. *Luth. in disput. Lipsiensi.*

*De libero arbitrio.*

Revera Deus nobis liberam voluntatem con-  
tulit : cur tu illam liberam non permittis ? cum  
enim tu illâ ad tuum abuteris libitum non est li-  
bera, sed magis servitutem apud te servit. *Luth.*  
*in explic. orat. Dominica.*

Liberum arbitrium segmentum est in rebus ,  
seu titulus sine re , quia nulli est in manu sua  
cogitare quidquam mali aut boni , sed omnia,  
ut Viclefi articulus Constantiæ damnatus rectè  
docet, de necessitate absoluta eveniunt. *Luth. in*  
*Affer. art. 26.*

*De Conciliis generalibus.*

Sæpe nullus vir in Concilio est qui divinum  
spiritum vel modicum olfecerit , sicut contigit  
in Nicæno Concilio ubi de uxoribus Sacerdo-  
tum agebatur. *Luth. in Serm. Attendite à falsis Pro-*  
*phetis.*

Conciliis nihil derogo, sed omnium Sacratissi-  
mum fuit Nicænum. *Luth. in disput. Lipsiensi.*

*Calvini quedam Antilogie.*

**D**eum esse absolutè omnipotentem fatetur  
Calvinus, *ad cap. 1. Luce.* Verbo, inquit, Dei  
nulla impossibilitas obiicienda.

Negat verò *ad cap. 23. Isiae.* Istud somnium de  
potestate absoluta in Deo, quam Scholastici in-  
troducederunt, execranda blasphemia est.

M

Nomen

Nomen Jesu Christi venerandum esse afferit Calvinus ad *Matthæi cap. 1. v. 23.* Ita reputanda est nobis in hoc nomine (Jesu) divina Christi majestas, ut reverentiam apud nos obtineat quæ unico debetur & æterno Deo.

Negat idem ad *cap. 2. epist. ad Philippenses.* Plusquam ridiculi sunt Sorbonici sophistæ, qui ex præsenti loco; *Vt in nomine Iesu omne genu flectatur,* genu flectendum esse colligunt quoties nomen Jesu pronunciatur, quasi vox esset magica quæ totam in sono vim haberet inclusam.

Sine Baptismo Christi neminem salvari docet Calvinus. *ad cap. 3. Ioannis v. 3.* Si uni hoc dixisset Christus vel paucis non posse eos pervenire in regnum celorum, nisi prius renati essent, possemus coniicere certas duntaxat personas notari, sed de omnibus sine exceptione loquitur.

Idem negat *Instit. lib. 4. cap. 16. §. 36.* Expoldendum est eorum commentum qui omnes non Baptizatos æternæ morti adjudicant.

In cæna Domini miraculum agnoscit Calvinus. *Tract. de Concordia ineunda:* Ergo (inquit) in Sacra Cæna miraculum agnoscimus, quod & naturæ fines & sensus nostri modum exuperat, dum Christi vita nobis fit communis, & ejus caro nobis in alimentum datur.

Negat verò disertè *Instit. l. 4. cap. 17. §. 24.* agens contra Lutheri asseclas: Ipsi, inquit, boni ejus zelotæ miraculum sibi fabricant, quo sublatto evanescit Deus cum sua omnipotentia. Et ibidem §. 24. Illi auditis Christi verbis, *Hoc est Corpus meum,* miraculum ab ejus mente remotissimum imaginantur.

*Sectæ Lutheranae modernæ, & antiquæ in Anglia,  
antilogia & discrepanja manifesta.*

Patet illa, in mutatione Libri authentici publicarum precum, quem sibi ab initio pro puro Dei Verbo, & fidei suæ instrumento Secta Lutherana proposuit. Nam in prædicto Libello sub Rege Eduardo & Elisabetha Regina pro vera Scriptura legebatur Tobiæ Caput quintum, sextum, & octavum. Danielis Caput 14. & quædam ex 13. Ex Ecclesiastici cap. 46. non pauca. Hæc autem omnia aliaque, sub Jacobo Rege eadem Ecclesia ex Libro publicarum precum tamquam apocrypha penitus expunxit: uti apertè ostendit Examen Libelli publicarum precum prælo datum anno 1610. pag. 30. Quomodo verò potest esse eadem Ecclesia quæ eandem non habet Scripturam? In qua quod illa pro Verbo Dei olim admisit, hæc pro apocrypho modò expunxit? Manifestum sanè est vel illam pro Scriptura ista approbando, vel hanc reprobando in fide errasse.

Prætereo in his, aliisque dogmatibus loca innumera, in quibus Calvinus, ac multo magis Lutherus secum apertè pugnavit, atque instar fallacis Prothei, uti res ferebat, sese in varias doctrinæ formas transmutavit. Ex quibus hoc demum conficies argumentum.

Non potest ex Dei Spiritu loqui qui vel semel in doctrina fidei proponenda sibi contradicit: Atqui Calvinus & Lutherus in doctrina fidei quam Dei nomine proponit sæpius eloquitur contradictoria. Ergo non potest Calvinus & Lutherus loqui ex Spiritu divino in doctrina illa

M 2

quam

quam se Dei nomine scribere ac prædicare profitentur. Sicut in verbo Dei scripto, si vel semel in illo contradictionem apertam deprehendas, in cæteris omnibus tota Scripturæ fides evanescit. Videant igitur, ac serio agnoscant horum Sectatores, quām fallaces sint Prophetæ ac divini Spiritu penitus vacui, quibus ab initio fidem suam ac salutem crediderunt.

### ARTICULUS TERTIUS.

*Confusio & discordia Sectarum que ex Lutheranismo & aliis prodierunt.*

**N**on potest esse unitas, aut veritas Fidei in Ecclesia Lutherana, cuius præcipua membra, & quasi primi Apostoli, in sua doctrina neque cum Luthero, neque inter se concordant, sed mox ubi prodierunt in Sectas varias sibi, Luthero, ac Evangelio contrarias degenerarunt, uti hic aperte demonstro.

Ac primò, ipse Lutherus in Saxonia circa annum 1517. ubi matrem suam Ecclesiam Romanam viperino more laniare exorsus est, mirum dictu in quot se figuræ moresque transmutaverit, ut novum aliquod Religionis monstrum efformaret. Etenim ex ipso non Secta unica, sed tres immundi Spiritus (quales Apocalypsis cap. 13. dicuntur exire de ore pseudo Prophetæ) primo velut partu prodierunt. Hi sunt Homologistæ, Anabaptistæ, & Sacramentarij. Et quia tres sunt qui veritati testimonium dant in terra, Spiritus, Aqua, & Sanguis, Baptismum aquæ inquinarunt Anabaptistæ, Spiritum veritatis in potestate Clavium oppugnarunt Homologistæ, Sanguis.